

№1 (17)
Январь-Март
**20
22**



ISSN 2181-0567
ISSN 2181-1830

IQTISODIYOT: TAHLILLAR VA PROGNOZLAR

ЭКОНОМИКА:
АНАЛИЗЫ И ПРОГНОЗЫ

ECONOMY:
ANALYSIS AND FORECASTS

Бизга ҳозир тушум ошиши асосийси эмас. Биринчи навбатда, тизимни тұғри қилиб, билмаганларга үргатиб, солиқ юкини камайтириб, тадбиркорларнинг әмин-эркін, ҳалол ишлашини йүлга қўйишимиз керак.

Шавкат МИРЗИЁЕВ



Журнал Ўзбекистон Республикаси Иктисодий тараккиёт ва камбағалликни кискартириш вазирлиги билан хамкорликда нашр этилмоқда

ISSN 2181-0567



9 772181 056008



ПРЕЗИДЕНТ ШАВКАТ МИРЗИЁЕВ ДАВЛАТ СОЛИҚ ҚҮМИТАСИДА СОҲАНИ ТАКОМИЛЛАШТИРИШ БЎЙИЧА НАВБАТДАГИ ВАЗИФАЛАР ЮЗАСИДАН ЙИФИЛИШ ЎТКАЗДИ

Сўнгги йилларда мамлакатимиз солиқ маъмуриятчилиги тубдан ислоҳ қилинмоқда. 2019 йил декабрдаянгитаҳрирдаги Солиқ кодекси қабул қилиниб, тўғридан-тўғри қўлланувчи нормалар жорий этилди. Солиқлар сони 13 тадан 9 тага камайтирилди. Мулк солиғи ставкаси 5 фоиздан 1,5 фоизга, қўшилган қиймат солиғи 20 фоиздан 15 фоизга туширилди. Иш ҳақига нисбатан солиқ юки қарийб 2 баравар камайтирилди.

Буларнинг натижасида тадбиркорларнинг ислоҳотларга ишончи ортиб, солиқ тушумлари 4 баравар кўпайди. Қўшилган қиймат солиғи тўловчилар сони 6 мингдан 152 мингтага етди.

Тараққиёт стратегиясида бу борадаги ислоҳотларни давом эттириб, солиқ маъмуриятчилигини соддалаштириш вазифалари белгиланган.

– Биз инсон қадрини улуғлашни эълон қилдик, халқимизни рози қилишга ҳаракат қиласаймиз. Халқимиз қачон рози бўлади? Солиқ кам бўлиб, даромади ошса, – деди Шавкат Мирзиёев.

Хусусан, 2026 йилга бориб иқтисодиётга солиқ юкини 25 фоизгача камайтириш мақсад қилинган. Шунингдек, 2023 йилдан қўшилган қиймат солиғини 12 фоизгача тушириш, кейинчалик ер ва мулк солиқларини бирлаштириш мўлжалланган.



IQTISODIYOT: TAHLILLAR VA PROGNOZLAR

ЭКОНОМИКА:
АНАЛИЗЫ И ПРОГНОЗЫ

ECONOMY:
ANALYSIS AND FORECASTS

№ 1 (17)

Январь-Март, 2022 йил

ТАХРИР ҲАЙЪАТИ:

Ж.Кўчкоров – Иктисодий таракқиёт ва камбагалликни кисқартириш вазири, таҳрир ҳайъати раиси

И.Норқулов – Иктисодий таракқиёт ва камбагалликни кисқартириш вазирининг биринчи ўринбосари, таҳрир ҳайъати раиси ўринбосари

У. Абидхаджаев, и.ф.д. – Прогнозлаштириш ва макроиктисодий тадқиқотлар институти директори

З. Халдаров, PhD – Прогнозлаштириш ва макроиктисодий тадқиқотлар институти директори ўринбосари

Т.Ахмедов, и.ф.д., проф. – Прогнозлаштириш ва макроиктисодий тадқиқотлар институти директори ўринбосари – Илмий марказ директори

Д.Курбанова, и.ф.н., доц. – Прогнозлаштириш ва макроиктисодий тадқиқотлар институти илмий котиби

С.Чепель, и.ф.д. – Прогнозлаштириш ва макроиктисодий тадқиқотлар институти бош илмий ходими

Н.Расулов, и.ф.д., доц. – Прогнозлаштириш ва макроиктисодий тадқиқотлар институти лойиха раҳбари

Д.Каримова, и.ф.д., проф. – Прогнозлаштириш ва макроиктисодий тадқиқотлар институти лойиха раҳбари

Р.Хасанов, и.ф.д., проф. – Прогнозлаштириш ва макроиктисодий тадқиқотлар институти лойиха раҳбари

Х. Сайдалиев, и.ф.д. – Прогнозлаштириш ва макроиктисодий тадқиқотлар институти гурух раҳбари

Н.Ибрагимова, PhD., доц. – Прогнозлаштириш ва макроиктисодий тадқиқотлар институти лойиха раҳбари

Ё.Файзуллаев, и.ф.н. – Иктисодий таракқиёт ва камбагалликни кисқартириш вазирлиги бўлим бошлиги

ТАХРИРИЯТ:

Бош муҳаррир – **Т. Аҳмедов**

Масъул муҳаррир – **А. Юлдашев**

Техник муҳаррир – **И. Одашев**

Компьютер графикаси дизайнери – **И. Саидов**

Нашр учун масъул – **Н. Примов**

Журнал Олий аттестация комиссияси Раёсатининг 2019 йил 29 июндаги 266/8-сонли қарорига асосан ОАК диссертациялар асосий илмий натижаларини чоп этиш тавсия этилган илмий нашрлар рўйхатига ва Россия Федерациясининг Илмий иқтибос индекси (РИНЦ) рўйхатига кирилган.

Журнал Ўзбекистон Республикаси Президенти Администрацияси хузуридаги Ахборот ва оммавий коммуникациялар агентлигига 2021 йил 22 апрелда 1043-сонли гувоҳнома бўйича қайта рўйхатга олинган.

Босма ISSN 2181-0567; Электрон ISSN 2181-1830.

Формат 84/60, 1/8, 9,6 б.т.

Чоп этишга 31.03.2022 йилда рухсат этилди.

Журналнинг «Matbuot tarqatuvchi» АҚ обуна каталогидаги индекси – 1360.

Журнал уч ойда бир марта чоп этилади. Баҳоси келишилган нарҳда.

«Iqtisodiyot: tahlillar va proqnozlar» журналидан кўчириб босиш фақат таҳририятнинг ёзма розилиги билан амалга оширилади. Таҳририят фикри муаллифлар фикрига мос келмаслиги мумкин. Мақоладаги далилларнинг ҳаққонийлигига муаллифлар шахсан масъул ҳисобланади.

Такдим қилинган мақолалар тақриз қилинмайди ва муаллифа қайтарилмайди.

Таҳририят манзили:

100011, Тошкент ш., Хадра массиви, 33^А. Тел.: (+998 71) 244-01-77. E-mail: jurnal@ifmr.uz

Тарқатиш бўлими телефони: (+998 71) 244-01-77

Мундарижа / Содержание / Contents

Макроиктисодиёт ва прогнозлаштириш / Макроэкономика и прогнозирование / Macroeconomics and forecasting

- 4 **Ботир АБДУЛЛАЕВ, Турсун АХМЕДОВ.** Ижтимоий соҳада амалга оширилаётган ислоҳотлар натижасини баҳолаш (Жиззах вилояти мисолида)
- 11 **Сергей ЧЕПЕЛЬ, Нурбек ОМОНОВ.** Оценка последствий роста транспортных тарифов для потребительской инфляции в Узбекистане
- 20 **Maqsud RUSTAMOV.** Kichik biznes sub'ektlariga berilgan kreditlarning ARDL modeli orqali makroiqtisodiy ko'rsatkichlarga ta'sirining ekonometrik tahlili
- 25 **Nurbek OMONOV, Behzod MADJIDOV.** Institutsional tuzilmalar faoliyati samaradorligining soliq tushumlariga ta'siri: O'zbekiston misolida empirik tadqiqot

Саноат, аграр ва ҳудудий иқтисодиёт / Промышленность, сельское хозяйство и региональная экономика / Industry, agriculture and regional economy

- 30 **Галия ФЕДЯШЕВА, Рустамжон ЖУМАМАТОВ.** Структурные изменения в производстве продукции свободных экономических зон Узбекистана: влияние внутренних факторов и кризиса пандемии
- 40 **Мэлс РАШИДОВ.** Минтақаларда эркин иқтисодий зоналарни жойлаштиришнинг ривожланган мамлакатлар тажрибаси таҳлили
- 49 **Дарья ИЛЬИНА.** Состояние продовольственной безопасности в Узбекистане и возможные риски на перспективу
- 60 **Азизбек МАТЧАНОВ.** Ҳудудларни комплекс ижтимоий-иқтисодий ривожлантиришга оид дастурларни ишлаб чиқишнинг ягона тартибини амалиётга жорий этиш
- 67 **Жаъсур УМИРЗОҚОВ.** Maxsus иқтисодий зоналар сифатида оффшор ҳудудларнинг глобал инвестициялар ва халқаро иқтисодий ҳавфсизликка таъсири
- 78 **Хулкар ТУРОБОВА, Зумрад ҚАЙИМОВА.** Ўзбекистонда биоиқтисодиётни ривожлантириш омиллари

Хизмат кўрсатиши, логистика ва инфратузилма / Сервис, логистика и инфраструктура / Service, logistics and infrastructure

- 85 **Тоҳир ҲАСАНОВ.** Уй-жой фондини бошқаришнинг хорижий тажрибалари ва улардан Ўзбекистонда фойдаланиш масалалари
- 91 **Абдусатторжон АБДУМУМИНОВ.** Развитие «зеленого» автотранспорта: возможности и вклад в снижении выбросов CO₂

УЎК: 631.153

Хулкар ТУРОБОВА,
Бухоро давлат университети катта ўқитувчisi,
E-mail: hulkar-rustamkhon@mail.ru,
Зумрад ҚАЙИМОВА,
Бухоро давлат университети катта ўқитувчisi

Ўзбекистонда биоиктисодиётни ривожлантириш омиллари

Кириш. Биоиктисодиёт одатда Ернинг энергия ресурсларини тежаш истиқболи сифатида тан олиниди, чунки унинг асосий йўналишлари қаторида муқобил энергия манбаларини ривожлантириш ва энергия самарадорлигини ошириш, чиқиндилардан самарали фойдаланиш, биомассага асосланган қайта тикланадиган энергияни ривожлантириш, саноат секторини кўйкаломзорлаштириш, қишлоқ хўжалиги барқарорлигини ошириш, янги озиқ-овқат маҳсулотларини ишлаб чиқариш, тиббий технологияларни ривожлантириш, қайта тикланадиган биологик хом ашё асосидаги биотехнологиялардан фойдаланиш ва бошқаларни қамраб олади.

Ўзбекистонда ҳам биоиктисодиётни ривожлантириш борасида ҳуқуқий база шакллантирилиб, узок муддатга мўлжалланган ривожлантириш стратегиялари ишлаб чиқилди. “2019–2030 йиллар даврида Ўзбекистон Республикасининг «яшил» иқтисодиётга ўтиш стратегияси”, “Ўзбекистон Республикаси қишлоқ хўжалигини ривожлантиришнинг 2020 - 2030 йилларга мўлжалланган стратегияси” ва шу каби бошқа ҳужжатларда иқтисодиётнинг энергия самарадорлиги етарли даражада эмаслиги, табиий ресурслардан оқилона фойдаланмаслик, технологиялар янгиланишининг сустлиги, “яшил” иқтисодиётни ривожлантириш учун инновацион ечимларни жорий этишда кичик бизнеснинг фаол иштирок этмаётгани миллий иқтисодиётни барқарор ривожлантиришнинг устувор мақсадларига эришишга тўсқинлик қилаётганлиги таъкидлаб ўтилган. Мавжуд муаммоларни ҳал этиш учун иқтисодий ривожланиш жараёнларига иқтисодиётнинг барча тармоқларида кам углерод сарф-

лаган ҳолда ривожланиш ва ресурсларни тежаш, самарали ва экологик тоза технологияларни жорий этиш, шунингдек, барқарор қишлоқ хўжалиигига йўналтирилган “яшил” иқтисодиёт тамойилларини интеграция қилиш орқали табиий ва энергия ресурсларидан фойдаланиш усулларини тубдан ўзгартириш талаб этилади.

Адабиётлар шархи. Биоиктисодиёт тушунчалик олимлар ва мутахассислар томонидан турлича талқин қилинади. Д.Н.Лыжиннинг фикрича, биоиктисодиёт: а) мамлакат иқтисодиётини барқарор ривожлантиришнинг асосий инновацион соҳаларидан бири ҳисобланади; б) XX аср охири – XXI аср бошларидаги “биотехнологик инқилоб” ютуқларига таянади; в) кластер ёндашуви, давлат-хусусий шериклик ва технологик платформаларни бирлаштириш тамойилига асосланади. Янги технологик тартиб иқтисодиёти – биоиктисодиёт “иқтисодиёт-жамият-биосфера” тизимининг барқарор уйғун ривожланиши тамойилларига асосланиши керак, бу эса эски моделдаги ўсиш ва ўзини-ўзи ташкил этиш муаммоларини ҳал қиласи [1].

Н.В.Аkkанина ва М.А.Романюкларнинг фикрига кўра, кўпинча биоиктисодиётга биотехнологияларни амалга оширишнинг иқтисодий механизми, яъни мавжуд технологик тартибининг янги тармоғи сифатида қаралади [2].

А.Э.Сулейманкадиева биоиктисодиётга турли томондан ёндашиб, илмий жиҳатдан биологик ва иқтисодий фанларни бирлаштирувчи ижтимоий фан сифатида қарайди, когнитив (билим) ёндашув сифатида эса иқтисодиётнинг билим ва когнитив тамойилларини барча бошқа фанларни, биринчи

навбатда, биология, биотехнология ва бошқаларни ўз атрофида бирлаштириб, “курувчи” янги биоиктисодий фанни шакллантиришнинг асоси деб ҳисоблайди. Иктиносидёт сифатида учта билим "устунлари"га асосланади: 1) янги маҳсулотларни лойихалаш ва ишлаб чиқиш учун ген ва хужайра жараёнлари ҳақидаги билимлардан фойдаланиш; 2) "барқарор" ишлаб чиқариши рағбатлантириш учун қайта тикланадиган биологик манбалар ва самарали биопроцесслардан фойдаланиш; 3) биотехнология соҳасидаги билимларни бирлаштириш ва уни турли соҳаларда қўллашни таъкидлайди [3].

Иктиносидий ҳамкорлик ва тараққиёт ташкилоти (OECD-Organisation for Economic Co-Operation and Development) биоиктисодиётни “ҳаёт ҳақидаги билимларни янги, барқарор, экологик жиҳатдан самарали ва рақобатбардош маҳсулотларга айлантириш” сифатида таъкидлади (OECD, 2009). 2015-йилда Берлинда бўлиб ўтган биринчи глобал биоиктисодиёт саммитида “биоиктисодиёт - бу билимга асосланган ишлаб чиқариш ва биологик ресурслардан фойдаланиш, биологик жараёнлар ва иктиносидиётнинг барча тармоқларида маҳсулот ва хизматларни барқарор таъминлаш тамоиллари” деб таърифланди. (Global Bioeconomy Summit, 2015).[4]

Биоиктисодиёт учта асосий элементни ўзичига олади:

- барқарор ишлаб чиқариши рағбатлантириш учун қайта тикланадиган биомасса ва самарали биожараёнлардан фойдаланиш;

- фаоллаштирувчи ва конвергент технологиялар: биотехнологиядан ташқари, асосий ривожланиш - бу рақамлаштириш (аниқ қишлоқ хўжалиги) ва "биологизация" ("biologisation") комбинацияси;

- секторлар бўйича биотехнология билимлари ва иловаларининг интеграцияси: Интеграция бирламчи ишлаб чиқариш (яъни барча тирик табиий ресурслар), соғлиқни сақлаш (яъни, фармацевтика ва тиббий асблоблар) ва саноатга (масалан, кимёвий моддалар, пластмассалар, ферментлар, целлюлоза ва қофоз, биоэнергия) тегишли [4].

Ўзбек олимларидан А.А. Исаджанов “Яшил иктиносидёт” – бу эртанги кун иктиносидёти ва айнан у XXI аср иктиносидий тараққиётининг ҳаракатга келтирувчи кучи бўлиб, яшил иктиносидёт назарияси қўйидаги учта аксиомага асосланади: - чекланган маконда таъсир соҳасини узлуксиз кенгайтириб бўлмайди; - ресурслар чекланган шароитда узлуксиз ошиб бораётган эҳтиёжни қондиришни талаб қилиш

мумкин эмас; - Ер юзида ҳамма нарса бир-бiri билан боғлиқ”- деган фикрни таъкидлайди [5].

М.А.Орипов “Ўзбекистонда биоиктисодиёт соҳаларини ривожлантиришнинг зарурат ва имкониятлари” номли илмий мақолосида мамлакат ахолисининг озиқ-овқат таъминоти ва хавфсизлигига эришиш мақсадида биоиктисодиётнинг жадал ўсшини таъминлаш учун циркуляр ишлаб чиқариши кенг жорий этиш ва соҳада кластерларни ташкил этишини янада жонлантириш ва юқори қўшимча қийматга эга биомаҳсулотларни яратиш ва уларнинг экспортини кўпайтириш зарурлигини таъкидлаб, биоиктисодиётни ривожлантиришнинг яна бир қанча йўналишларини келтириб ўтади [6].

Ўзбек олимлари ва мутахассислари томонидан биоиктисодиёт ва у билан боғлиқ яшил иктиносидёт соҳасида илмий тадқиқот ишларини янада такомиллаштириш зарурлиги, ушбу мавзуни тадқиқот мавзуси сифатида танлашимизга сабаб бўлди.

Асосий қисм. Ҳисоб-китоблар биоиктисодиётнинг бутун биомасса қиймат занжири бўйлаб ўсиш, рақобатбардошлик ва иш ўринлари яратишга потенциал сезиларли таъсирини кўрсатади. Иктиносидий ҳамкорлик ва тараққиёт ташкилоти (OECD-Organisation for Economic Co-Operation and Development) (2009) ҳисоботига кўра, 2030 йилга келиб (OECD) худудида "одатий бизнес" ҳисоб-китобига кўра, биоиктисодиёт ЯИМнинг тахминан 2,7 фоизини ташкил қилиши мумкин (шуңдан саноатнинг 39 фоизи, қишлоқ хўжалигининг 36 фоизи ва соглиқни сақлаш соҳасининг 25 фоизи). Ҳисобот шунни кўрсатадики, биоиктисодиётдан келадиган фойдани шакллантиришнинг асосий омиллари бошқарувнинг "сифати" ва биотехнологиянинг иктиносидий рақобатбардошлигига боғлиқ бўлади.


Ўзбекистонда биоиктисодиётни ривожлантиришнинг устувор йўналишлари қуйидагилар деб белгилаш мумкин:

1. Қишлоқ, балиқчилик ва ўрмон хўжалиги;
2. Биотиббиёт, биофармацевтика ва биодиагностика;
3. Озиқ-овқат технологияси;
4. Саноат биотехнологияси;
5. Биоэнергетика;
6. Аквакультура;
7. Чўл биотехнологияси;
8. Биожараёнлар ва биоферментация.

Ўзбекистонда биоиктисодиётни ривожлантириш учун қуйидаги сабабларни кўрсатиш мумкин:

Биринчидан, озиқ-овқат ва бошқа биологик ресурсларга асосланган саноат учун биомасса билан таъминлашда асосий таъминотчи сифатида қишлоқ хўжалиги марказий ўринда туради. Бизда қишлоқ хўжалиги тармогининг имкониятлари жуда юқори бўлиб, 2021-йилда барча тоифадаги хўжаликлар томонидан 7540,9 минг тонна дон экинлари, 3292,3 минг тонна картошка, 10859,3 минг тонна

сабзавотлар, 2281,1 минг тонна полиз, 2852,5 минг тонна мева ва резаворлар, 1695,1 минг тонна узум етиширилди. Бу 2018 йилга нисбатан дон етишириш 18,2 фоиз, картошка 19,7 фоиз, сабзавотлар 12,7 фоиз, полиз маҳсулотлари 19,7 фоиз мева ва резаворлар 10,1 фоиз, узум етишириш эса 8,3 фоиз кўп етиширилган.



1-расм. Ўзбекистонда етиширилган дехқончилик маҳсулотлари ҳажми кўрсаткичлари

Манба: www.stat.uz

Чорвачилик соҳасининг ички имкониятларини ошириш бўйича чора-тадбирларнинг изчил амалга оширилиб борилаётганлиги, шунингдек, уларга давлат томонидан тизимли ёрдам кўрсатилиб келинаётганлиги чорва моллари бош сонининг кўпайишига, ички истеъмол бозорларини чорвачилик маҳсулотлари билан тўлдиришига имкон яратди.

2021-йилда барча тоифадаги хўжаликлар томонидан тирик вазнда 2640,4 минг тонна гўшт, 11286,9 минг тонна сут, 8053,1 млн. дона тухум етиширилди ва 173 866 тонна балиқ овланди. 2018-йилга нисбатан 2021-йилда гўшт етишириш 9,2 фоизга, сут етишириш 7,6 фоизга, тухум етишириш 9,4 фоизга, балиқ етишириш 91,2 фоизга, жун етишириш эса 9,1 фоизга ошган.

1-жадвал

Ўзбекистонда етиширилган чорвачилик маҳсулотлари ҳажми кўрсаткичлари

Махсулотлар	2018 йил	2019 йил	2020 йил	2021 йил	2021 йилда 2018 йилга нисбатан ўсиш, %да
Гўшт, тирик вазнда, минг тонна	2 417,40	2 465,00	2526,2	2 640,40	9,2
Сут, минг тонна	10 480,70	10 710,80	11 009,90	11 286,90	7,6
Тухум, млн.дона	7 360,50	7 757,40	7 825,00	8 053,10	9,4
Балиқ, минг тонна	91	115,2	144	174	91,2
Жун, минг тонна	35	35,4	35,7	38,20	9,1

Манба: www.stat.uz

Озиқ-овқат ва қишлоқ хўжалиги соҳаси кўплаб муаммоларга дуч келмоқда. Бу аҳоли ва уларнинг даромадларининг ўсиши ҳамда у билан боғлиқ экологик тоза ва органик маҳсулотларга бўлган глобал талабнинг ўсиб бораётгандиги шунингдек, энергия ва саноат хом ашё тармоқлари эҳтиёжларини қондириш учун биомасса етказиб беришга бўлган талабни қондиришини ўз ичига олади. Бундан ташқари, сектор иқлим ўзгаришига мослашиши керак.

Ушбу талабларни қондириш агро-озик-овқат секторига иқлим ўзгариши шароитида атроф-муҳитни сақлаб қолиш билан бирга, танқис табиий ресурслардан озиқ-овқат ва хом ашё етказиб бериш бўйича босимни оширади. Ушбу муаммоларни барқарор тарзда ҳал қилиш иқлим ўзгариши оқибатларини юмшата оладиган янги маҳсулотларни ишлаб чиқиш ва мавжуд технологиялар ва амалиётларни такомиллаштиришни талаб қиласи.

Иккинчидан, қишлоқ хўжалигининг ривожланишига тўсиқ бўлаётган ер ресурслари, сув ресурслари ва бошқа табиий ресурслардан оқилона фойдаланишдаги муаммоларнинг мавжудлиги. Қишлоқ хўжалигига мўлжалланган 20,2 млн гектар ерларнинг атиги 20,7 фоизи сугориладиган ерлар ҳисобланади. Сўнгги 15 йил мобайнида аҳоли жон бошига сугориладиган ерлар 24 фоизга (0,23 га дан 0,16 гача) камайган. Мазкур ҳолат аҳоли сонининг ўсиши, сув таъминоти ҳажмининг қисқариши ва қишлоқ хўжалигига мўлжалланган ерларнинг бошқа ер фонди тоифаларига ўтиши натижасида юзага келган. Прогнозларга кўра, келгуси 30 йил мобайнида сугориладиган ер майдонлари яна 20 - 25 фоизга қисқариши мумкин [7].

Охирги йилларда ерларнинг чўлланиши ва деградацияси кучаяётгандиги оқибатида турли даражадаги экологик муаммолар пайдо бўлмоқда. Ҳудудининг 80 фоизи чўл ва ярим чўллардан иборат бўлган Ўзбекистон Республикаси учун чўлланиш ва қурғоқчиликка қарши курашиш масалалари барқарор ривожланишни таъминлашда устувор ўрин эгаллайди. Ҳозирги вақтда қарийб 10 млн. гектар яйловлар тубдан яхшиланишга муҳтож. Молларни бир яйловда қайта-қайта ўтлатиш, дараҳтларни ёқилғи ва бошқа мақсадлар учун кесиши чўл зонасида дараҳт-бута ўсимлигининг анча камайиб кетишига олиб келди [8].

Республикада кўчадиган қумлар қарийб 1 млн. гектар майдонни эгаллайди ва ушбу ерларнинг иккى юз минг гектари сўнгги вақтда сугориладиган

майдонлар атрофида пайдо бўлган. Бу эса чўллашиш жараёнининг жадаллашувида намоён бўлувчи жиддий таҳдидни вужудга келтирмоқда. Ерлар деградацияси қишлоқ хўжалиги ишлаб чиқаришига жалб қилинган сугориладиган ҳудудларда ҳам рўй бермоқда[8,9].

Мамлакат сув ресурсларининг қарийб 80 фоизи трансчегаравий сув ҳавзалари ҳисобига шаклланади. Мазкур ҳолат Марказий Осиёда, хусусан Ўзбекистон Республикасида сув ресурсларини барқарор бошқариш учун минтақавий ҳамкорликнинг муҳимлигини белгилайди. Мамлакатда ирригация тармоқларининг 70 фоизи фильтрацияга қарши қопламага эга эмас, оқибатда сувнинг бир қисми далагача етказиш жараёнида йўқотилмоқда. Тахлилларга кўра, Ўзбекистонда экин майдонларига миллиардлаб куб метр сув йўналтирилса-да, унинг фақат 60 фоизи экинларга етиб боради, 40 фоизи сугориш тизимларида ва сугориш жараёнида йўқотилади. Мавжуд ирригация инфратузилмаси, насос станцияларининг катта қисми 30 - 40 йилдан ортиқ фойдаланилмоқда ва реконструкция ёки капитал таъмирга муҳтож.

Деҳқончиликнинг ирригацияга юқори даражада боғлиқлиги сабабли анъанавий сугориш услубларини қўллашнинг давом этаётгандиги ҳамда иқлим ўзгариши натижасида қурғоқчиликнинг кескин кучайиши билан вазият янада мураккаблашиши мумкин.

Жаҳон ресурслари институтининг прогнозига кўра, 2040 йилга бориб Ўзбекистон сув танқислиги энг юқори бўлган 33 та мамлакатнинг бирига айланади. Ҳосилдорликнинг камайиши озиқ-овқат хавфсизлиги ва тўлов баланси учун жиддий салбий оқибатларни келтириб чиқарди, бу эса сув ресурсларини барқарор бошқариш ва қишлоқ хўжалиги экинларини етиширишда ресурстежамкор технологияларни қўллаш заруратини юзага келтиради[7].

Мамлакатда минимал агроэкологик стандартлар мавжуд бўлсада, уларнинг асосий қисми эски технологияларга асосланган. Қишлоқ хўжалиги амалиётларини ишлаб чиқишида экологик омиллар ҳисобга олинмайди. Агроэкологик амалиётларни яхшилаш ва табиий ресурсларни муҳофаза қилиш стандартлари ва механизмларини ишлаб чиқишида экологик омилларга интеграция қилиш талаб этилади.

Учинчидан, мамлакатда биологик ресурсларнинг асосий таркибий қисмларидан бири ўрмон фонди ерлари бўлиб, 11,1 млн гектарни ёки умумий майдоннинг 25 фоизини ташкил этади. Ўрмон би-

лан қолланган майдонлар эса 3,2 млн гектарга (29 фоиз) тенг.

Сўнгги йилларда Ҳукумат томонидан ўрмон ресурсларини бошқаришга алоҳида эътибор каратилмоқда. 2017 йилда Ўрмон хўжалиги давлат қўмитаси ташкил этилди, ўрмонлар майдонини 2,3 млн гектарга кенгайтириш, 12 та янги ўрмон хўжаликларини ташкил этиш ва моддий-техник базасини мустаҳкамлаш бўйича қатор чора-тадбирлар амалга оширилди [7].

Шунингдек, Орол дengизининг қуриган сатҳида ўрмонлар барпо қилиш, ҳимоя ўрмонзорлар майдонларини кенгайтириш, қишлоқ хўжалиги ерларида шамолдан ҳимояловчи яшил йўлакларни кўпайтириш, муқаммал мониторинг тизимини яратиш ва экологик таълим дастурларини такомиллаштириш ишлари олиб борилди.

Шу билан бирга, ўрмон ресурсларидан нооқилона фойдаланиш натижасида атроф-мухит ва иқлим учун юзага келадиган салбий оқибатларни камайтиришга қаратилган қишлоқ хўжалиги ва қишлоқ ҳудудларининг барқарор ривожланиши учун ўрмон ресурсларни самарали бошқариш асосий устувор ўйналиш бўлиб ҳисобланади.

Тўртинчидан, мамлакатнинг озиқ-овқат таъминоти ва хавфсизлигидаги муаммолар. Асосий хавф озиқ-овқат таъминоти ва ноозик-овқат биомасса ишлаб чиқариш ўртасидаги рақобатнинг кучайиши билан боғлиқ. Муҳим дилемма шундан иборатки, фермер хўжаликлида саноат маҳсулотлари ишлаб чиқаришни кенгайтириш қишлоқ хўжалиги ерларини озиқ-овқат ишлаб чиқаришдан бошқа мақсадларга йўналтиради ва шу тариқа биоиктисодиётда "озик-овқат маҳсулотлари ишлаб чиқаришнинг камайиши" деган хавотирларни кучайтиради.

Бешинчидан, Биоиктисодиёт кўпинча ижтимоий ва экологик муаммоларни ҳал қилишнинг асосий кисми бўлиши мумкинлигини таъкидлаш мумкин ва халқаро, миллий ва минтақавий даражаларда бир нечта стратегиялар ишлаб чиқилган.

Ҳар қандай мамлакатнинг барқарор ижтимоий-иктисодий ривожланиши деганда унинг миллий хўжалик мажмуасининг шундай ишлashi тушуниладики, бунда бир вақтнинг ўзида қўйидагилар назарда тутилади:

- аҳолининг ўсиб бораётган моддий ва маънавий эҳтиёжларини қондириш;

- табиий ресурслардан оқилона фойдаланиш ва уларни экологик тоза бошқариш;

- инсон саломатлиги учун қулай ҳаёт фаолиятининг табиий ва экологик шароитларини таъминлаш, атроф-мухит сифатини ва ижтимоий ишлаб чиқаришнинг табиий ресурс салоҳиятини саклаш, кўпайтириш ва яхшилаш.

Биоиктисодиёт инновациялардан фойдаланиш, иқтисодий ўсишни рагбатлантириш ва энг муҳими, жамият ва атроф-мухит учун фойдали натижаларни келтириб чиқариши мумкин бўлган муқобил ечимларни тақдим этади.

Шундай қилиб, биоиктисодиёт саломатликни яхшилаш, қишлоқ хўжалиги ва саноат маҳсулорлигини ошириш ҳамда экологик барқарорликни оширишга ёрдам бериши мумкин бўлса-да, у мувофиқлаштирилган ҳукумат сиёсати ҳаракатини, тадқиқотга стратегик сармоя киритишни, фуқароларнинг фаол иштирокини ва барча томонлар ўртасида самарали мулоқотни талаб қиласи. Тегишли тартибга солинмаса ва амалга оширилмаса, биоиктисодиёт ижтимоий ва экологик муаммоларнинг янада кескинлашишига олиб келиши мумкин.

Хулоса ва тавсиялар. Мутахассислар ва олимлар биоиктисодиётни ривожлантириш учта асосий муаммони ҳал қилишдаги катта роли туфайли жуда муҳим деб ҳисоблайдилар:

- 1) ресурслардан барқарор фойдаланиш зарурати;
- 2) озиқ-овқат ҳамда энергияга ортиб бораётган талаб;
- 3) иқтисодий ўсишни атроф-мухит деградациясидан ажратиш зарурати.

Хорижий олимларнинг илмий ва услубий тадқиқотларини ўрганишимиз натижасида биоиктисодиётни қўйидагича талқин қилиш мумкин:

1. Биоиктисодиёт биологик ресурсларни ишлаб чиқарадиган, бошқарадиган ёки бошқа йўл билан ишлатадиган қишлоқ хўжалиги, балиқчилик ва тегишли соҳаларга (масалан, озиқ-овқат, озуқа, қоғоз, энергетика, тола саноати, кимё ва биотехнология саноати) асосланади.

2. Фан ва амалиётнинг ҳам илмий, ҳам амалий, ҳам таълим нуқтаи назаридан доимий янгиланиш ва ривожланишга муҳтоҷ бўлган инновацион ва истиқболли ўйналиши;

3. Ўзаро ва транс-маданий ҳодиса, чунки биоиктисодиёт тармоқларини ривожлантириш ва кўп тармоқли таълим олишда миллий, диний ва маданий чегаралар йўқ қилинади;

4. Фанлараро, транс ва мултидисциплинар таомиллар асосида курилган фан ва амалиёт соҳаси.

Биоиктисодиётни ривожлантириш мураккаб, чунки у турли тармоқлар ва манфаатдор томонларни ўз ичига олади ва ишлаб чиқариш тизимлари ҳамда истеъмол шаклларидағи кенг кўламли ўзгаришлар билан боғлиқ. Биологик иқтисодиётнинг ўсиши учун зарур бўлган омиллар – технологиялар (масалан, чиқиндиларни камайтириш тизимлари), ташкилотлар (масалан, институционал ташкилот ва хатти-ҳаракатлардаги ўзгаришлар), ижтимоий жиҳатлар (масалан, иш ўринлари яратиш) ва сиёsat инновацияларидир.

Фан сифатида биоиктисодиёт биология ва иқтисодиёт, яъни табиий ва гуманитар (қисман ижтимоий) фанларнинг интеграциялашуви натижасида вужудга келган фандир. «Биоиктисодиёт» мустақил фан сифатида ягона назарий асосга эга эмас ва шунинг учун ҳам турли фан соҳалари ҳам, амалий фаолиятнинг турли соҳалари ҳам бирлашгани, лойиҳалаштирилганлигига эътибор қаратиш зарур. Энг муҳим миллӣ хўжалик муаммоларини узлуксиз ҳал этиш, яъни биоиктисодиётни ҳақли равища турли фанлар (тармоқлар) назариялари ва амалиётларининг симбиози деб ҳисоблаш мумкин.

**Фан сифатида
биоиктисодиёт биология
ва иқтисодиёт, яъни табиий ва
гуманитар (қисман ижтимоий)
фанларнинг интеграциялашуви
натижасида вужудга келган
фандир. «Биоиктисодиёт»
мустақил фан сифатида ягона
назарий асосга эга эмас ва
шунинг учун ҳам турли фан
соҳалари ҳам, амалий
фаолиятнинг турли
соҳалари ҳам бирлашгани,
лоиҳалаштирилганлигига
эътибор қаратиш
зарур.**

Мамлакатимизда 2019 йилда “2019-2030 йиллар даврида Ўзбекистон Республикасининг “яшил” иқтисодиётга ўтиш стратегияси” қабул қилинди. Унда биоиктисодиётнинг асосий тармоқлари бўлган қишлоқ хўжалиги, сув хўжалиги, ўрмон хўжалигига самарадорликни ошириш ва табиий ресурслардан оқилона фойдаланиш, чиқиндиларни қайта ишлашини такомиллаштириш ва кенгайтириш каби йўналишларда чора-тадбирлар амалга ошириш кўзда тутилган [7].

Бизнингча, ушбу стратегияни амалга ошириш учун қўйидагиларни амалга ошириш мақсадга мувофиқ бўлади:

- Иқтисодиётдаги ушбу тармокқа оид бўлган соҳа ва корхоналарни қўллаб-кувватловчи ҳуқукий, иқтисодий ва молиявий механизмларни ишлаб чиқиши. Иккиласми ресурсларни қайта ишловчи корхоналарга имтиёзли кредитлар ажратиш, солик бўйича имтиёзлар бериш ва давлат бюджетидан субсидиялар ажратиш каби чора-тадбирларни амалга ошириш зарур;

- Стратегияни самарали амалга оширилиши ушбу соҳадаги кадрларнинг малака ва тажрибасига боғлиқлигини ҳисобга олган ҳолда, биоиктисодиёт бўйича бакалавр ва магистр кадрларни тайёрлашни кенгайтириш.

Ҳозирда республикамизнинг 4 та олийгоҳларида 2022-2023 ўкув йилидан бошлаб хорижий грант асосида “Биоэкономика” бўйича магистратура йўналиши очиш бўйича амалий ишлар олиб борилмоқда. Келажакда ҳам маҳаллий грантлар асосида барча олий таълим мусассасаларида шу йўналишда бакалавр ва магистратура йўналишларини ташкил этиш мақсадга мувофиқдир.

Манба ва адабиётлар

1. Лыжин Д.Н. Перспективы развития биоэкономики в условиях глобализации // Проблемы национальной стратегии. 2014. № 2(23). С.79-94 // [Электронный ресурс] /URL: <https://riss.ru/images/pdf/journal>. (12.05.2019).

2. Акканина Н.В., Романюк М.А. Биоэкономика – экономика нового технологического уклада//<https://research-journal.org/economical/bioekonomika>.

3. Сулейманкадиева А.Э. Биоэкономика и ее роль в обществе в условиях инноваций, цифровизации и трансформации // Теория и практика развития биоэкономики: инновации, цифровизация, транс-

формация... / И.А. Максимцев [и др.]. – СПб.: Издво СПбГЭУ, 2019. – 154 с.

4. Diakosavvas, D. and C. Frezal (2019-09-12), “Bio-economy and the sustainability of the agriculture and food system: Opportunities and policy challenges”, OECD Food, Agriculture and Fisheries Papers, No. 136, OECD Publishing, Paris. <http://dx.doi.org/10.1787/d0ad045d-en>

5. А.А. Исаджанов. “Яшил иқтисодиёт”: хусусиятлари ва ривожланниши омиллари// Иқтисодиёт ва таълим / 2020 № 1

6. Орипов М.А. Ўзбекистонда биоиқтисодиёт соҳаларини ривожланти-ришининг зарурат ва имкониятлари//республика илмий-амалий конференция. Бухоро. 2021 йил. 30 ноябрь

7. “2019 - 2030 йиллар даврида Ўзбекистон Республикасининг «яшил» иқтисодиётга ўтиши стратегияси” 2019 йил ПҚ-4477-сон қарори.

8. Ўзбекистон Республикаси Президентининг “2030 йилгача бўлган даврда Ўзбекистон Республикасининг атроф муҳитни муҳофаза қилиши концепциясини тасдиқлаш тўғрисида”ги ПФ-5863-сон (30.10.2019) фармони

9. Turobova, Hulkar. "Биоэкономика: возможности рационального использования сельскохозяйственных площадей бухарской области." центр научных публикаций (buxdu.uz) 8.8 (2021).

10. <https://www.agri.ee/ru/meropriyatiya/bioekonomika>

11. Turobova, Hulkar. "synergetic model of improving effectiveness of land use." Development scenarios and alternatives in the modern economy. 2015. 17-22.

12. <https://biotalous.fi/wp-content/uploads/2014/08/The-Finnish-Bioeconomy-Strategy-Sustainable-growth-from-bioeconomy-The-Finnish-Bioeconomy-Strategy>

Ўзбекистонда биоиқтисодиётни ривожлантириш омиллари

Хулкар Туробова,

Бухоро давлат университети катта ўқитувчisi,

Зумрад Қайимова,

Бухоро давлат университети катта ўқитувчisi

Аннотация: мақолада табиий ресурслар камайиб бораётган шароитда биоиқтисодиётни ривожлантириши зарурияти ёритилган. Биоиқти-

содиёт атамасининг моҳияти муаллиф ва хорижий олимлар фикрлари асосида очиб берилган. Республикада биоиқтисодиётни ривожлантириши бўйича таклифлар ишлаб чиқилган.

Калит сўзлар: биохилмахиллик, биоиқтисодиёт, яшил иқтисодиёт, биотехнология, қишлоқ хўжалиги, ўрмон хўжалиги, сув хўжалиги, табиий ресурслар.

Факторы развития биоэкономики в Узбекистане

Хулкар Туробова,

старший преподаватель

Бухарского государственного университета,

Зумрад Кайимова,

старший преподаватель

Бухарского государственного университета

Аннотация: в статье подчеркивается необходимость развития биоэкономики в условиях сокращения природных ресурсов. Сущность термина биоэкономика раскрывается на основе взглядов автора и зарубежных ученых. Разработаны предложения по развитию биоэкономики в Узбекистане.

Ключевые слова: биоразнообразия, биоэкономика, зеленая экономика, биотехнология, сельское хозяйство, лесное хозяйство, водное хозяйство, природные ресурсы.

Factors of bio-economic development in Uzbekistan

Hulkar Turobova,

Senior Lecturer, Bukhara State University,

Zumrad Kayimova,

Senior Lecturer, Bukhara State University

Abstract: the article emphasizes the need for the development of bioeconomy in the conditions of a reduction in natural resources. The essence of the term bioeconomics is revealed on the basis of the views of the author and foreign scientists. Proposals for the development of bioeconomy in the Uzbekistan have been developed.

Keywords: biodiversity, bioeconomics, green economy, biotechnology, agriculture, forestry, water management, natural resources.